

Lentšu La Modimo Le Tlile Go Moporofeta William Marrion Branham

“**Jesu Kriste Ke Modimo**”

Bjale seo ke Kutullo: Jesu Kriste ke Modimo. Jehova wa Testamente ya Kgale ke Jesu wa ye Mpsha. Ga go kgathalege gore o leka ka bothata gakaakang, O ka se hlatsela gore go na le boModimo ba BARARO. Le ge go le byale go tšeya kutullo ka Moya wo Mokgethwa go go dira gore o kwišiše nnete ya Gore ke Yena O Tee. Go tšea kutullo go bona gore Jehova wa Testamente ya Kgale ke Jesu wa ye Mpsha. Satane o khukhonetše ka kerekeng gomme a fofatša batho mo nneteng ye. Gomme ge ba fofaditšwe go yona, e sego kgale go fihlela ge Kereke ya Roma e emiša go kolobetša mo Leineng la Morena Jesu Kriste.

Ke a dumela gore go tšea kutullo ya nnete go tšwa go Moya wo Mokgethwa go bona nnete ka boHlogo bja Modimo matšatši a ge re le makgatheng ga tshenyo e kgolo ya Mangwalo. Eupša seo se fokago, se fenywa kereke se bopilwe godimo ga kutullo ka gona re nyaka go bona Modimo a utulla nnete ya Gagwe go rena. Le ge go le bjale, ka nnete ga o nyake kutullo mo kolobetšong ya meetse. E eme mowe e go lebeletše sefahlego ka sefahlego. Go be go ka kgonega mo motsotso o tee gore baapostola ba arošwe go taelo-thwii ya Morena gore ba kolobetše ka Leina la Tate le la Morwa le la Moya wo Mokgethwa gomme ba ikhwetše ba senya ka boomo? Ba be ba tseba gore Leina ke lefe, gomme ga gona lefelo le letee mo Mangwalong mowe ba ilego ba kolobetša ka tsela enngwe ge e se ka Leina la Morena Jesu Kriste. Go molaleng gore Puku ya Ditiro ke kereke mo tirong, gomme ge ba kolobeditše ka tsela yeo, ka fao ke ka mokgwa woo go swanelwa go kolobetšwa ka gona. Bjale ge o gopola gore seo se maatla, o nagana eng ka se? Bohle bao ba se go ba kolobetšwa ka Leina la Morena Jesu ba swanelwa ke go kolobetšwa gape.

Ditiro 19:1-6, “Mehleng yeo ya ge Apollo a le motseng wa Korenthe, ke ge Paulo a feditše go sepela dinaga tša tletlolo a

fihlile motseng wa Efeso. Moo a hwetša barutiwa ba bangwe, A ba botšiša a re: A le filwe Moya wo Mokgethwa mohla le dumelago? Bona ba re: Aowa. Ga re ešo ra kwa ge go na le Moya wo Mokgethwa. Paulo a re: Gomme le kolobeditšwe ka efe kolobetšo? Bona ba re: Ka kolobetšo ya Johane. Paulo a re: Johane o kolobeditše ka kolobetšo ya tsokologo, a fela a botša batho a re, ba dumele E a tlo go mo hlatlama, a e ra Kriste Jesu. Batho bao ge ba ekwa a rialo, ba kolobetšwa Leineng La Morena Jesu. Paulo a ba bea diatla, mme Moya wo Mokgethwa wa tla go bona, ba bolela ka maleme a šele ba porofeta." Seo. Batho ba ba go loka ba Efeso ba be ba kwele ka go tla ga Messiah. Johane o be A mo rerile. Ba be ba kolobeditšwe ka kolobetšo ya tshokologo ya dibe, ba lebeletše PELE go tla go dumela Jesu. Eupša bjale e be e le nako ya gore ba lebelele MORAGO go Jesu gomme ba kolobetšwe TSHWARELONG ya dibe. E be e le nako ya go amogela Moya wo Mokgethwa. Gomme ge ba be ba kolobetšwa mo Leineng la Morena Jesu Kriste, Paulo o ile a ba bea diatla gomme Moya wo Mokgethwa wa tla godimo ga bona.

Aa, batho bao ba go ratega ba Efeso ba be ba lokile; gomme ge e ba bohle ba na le tokelo ya go kwa ba tšhireletšegile, ba dirile. Ela hloko bokgole bjoo ba bo tlilego. Ba be ba tlile tsela ka moka go tla go amogela Messiah yo a tlogo. Ba be ba itukišeditše Yena. Eupša ga o bone seo le ge go le bjalo ba ile ba Mo phoša? O be a tlile e bile o sepetše. Ba ile ba nyaka go kolobetšwa Leineng la Morena Jesu Kriste. Ba ile ba nyaka go tlatšwa ka Moya o Mokgethwa.

Ge e ba o kolobeditšwe ka Leina la Morena Jesu Kriste, Modimo o tla go tlatša ka Moya wa Gagwe. Seo ke Lentšu. Ditiro 19:6 yeo re e badilego e be e le phethagatšo ya Ditiro 2:38, "Sokologang, mme le kolobetšweng yo mongwe le yo mongwe wa lena mo Leineng la Jesu Kriste mo tebalelong ya dibe, mme le tla fiwa neo ya Moya o Mokgethwa." O a bona, Paulo, ka Moya o Mokgethwa, o ile a re thwii a bolela seo Petro a se boletšego ka Moya o Mokgethwa. Gomme seo se boletšwego SE KA SE fetolwe. Se swanelwa go swana go tloga ka Pentekosete go fihla ge mohlaolwa wa mafelelo a kolobetšwa. Bagalata 1:8, "Fela, e a kago le anegela ebangedi e šele, e sego yeo le le boditšwego yona, le ge e ka ba rena le ge e ka ba morongwa wa legodimong, yena eo a e be molahlwa."

Bjale ba bangwe ba lena MaOneness [dumela Modimo o tee—Mofotoledi] le kolobetša ka phošo. Le kolobeletša tshošološo le ge e le gore tshobeletšo ya ka meetseng e le phološitše. Tshošološo ga e tle ka meetse; ke mošomo wa Moya. Monna yo ka Moya wo Mokgethwa a filego taelo, "Sokologang le kolobetšwe yo mongwe le yo mongwe wa lena ka Leina la Jesu," ga se a bolele seo ka tshošološo ya meetse. O ile seo e no ba bohlatsa bja "letswalo le lebotse go Modimo." E be e le moka seo. I Petro 3:21, "Meetse ao ka lehlokore le lengwe a a re phološa ke ra kolobetšo (ye e sego go hlatswa mmele ditšhila, e lego go kgopela letswalo le le botse go Modimo,) kolobetšo e re phološa ka tsogo ya Jesu Kriste." Ke ya e dumela.

Ge e ba yo mongwe o na le kgopolo yeo e fošagetše ya gore histori e ka hlatsela kolobetšo ya meetse ka tsela ye nngwe ge e se ka Leina la Morena Jesu Kriste, ke tla le eletša gore le bale dihistori gomme le ikhweletše ka bo lena. Seo se latelago ke bohlatsa bja nnete bja Kolobetšo yeo e ilego ya direga kua Roma, A.D. 100, gomme e ile ya bušeletšwa ka go makasene wa TIME Desembere 5, 1955. "Motikone a emiša letsogo la gagwe, gomme Publius Decius a tšwelela ka lebatlala ka bokolobetšong. A eme meetse a mo tla mathekeng ka bodibeng e be e le Marcus Vasca morekiši wa dikota. O be a meyameyela ge Publius a tsena ka mo bodibeng kgauswi le yena. 'Credis?' A botšiša. 'Credo,' Publius a fetola. 'Ke a dumela gore phološo ya ka e tšwa go Jesu Kriste, Yoo a ilego a bapolwa ka tlase ga Pontius Pilato. Ke hwile le Yena, le Yena ke tla hwetša Bophelo Bjo Bo Sa Felego.' Eupša a kwa matsogo a go tia a mo thekgile ge a ekwa a wela ka sa morago ka mo bodibeng, gomme a kwa lentšu la Marcus' ka tsebeng—'Ke ya go kolobetša ka Leina la Morena Jesu'—ge meetse a go tonya a mo khupetša."

Go tloga mo go fihla ge nnete e lahlwa (gomme ga se nka e bowa go fihla mo nakong ya bofelo — se ke go tloga Nisea go fihla magomong a ngwaga kgolo) ba be ba kolobetša ka Leina la Morena Jesu Kriste. Eupša e boile gape. Satane a ka se kgone go swanela kutullo fase ge Moya o nyaka go e fa.

Ee, ge nka be go bile Medimo e meraro, nka be ka tokologo o kolobetša leineng la Tate, le la Morwa le la Moya o Mokgethwa. Eupša KUTULLO YEO E FILWEGO JOHANE e be e le gore go na le Modimo o TEE gomme Leina la Gagwe ke MORENA JESU

KRISTE, gomme o kolobeletšwa Modimo O TEE mme yena yoo. Ka le baka leo Petro o ile a kolobetša ka tsela yeo a dirilego ka Pentekosete. O be a swanelwa go ba le nnete go kutullo yeo e bego e le gona, "Ngwako ka moka wa Isiraele ga o tsebe ka tiišetšo, go re Modimo o dirile YENA JESU, Yoo le mmapotšego, MORENA LE KRISTE." Šoo, "MORENA JESU KRISTE."

Ge Jesu e "LE" Morena le Kriste, ka gona Yena (Jesu) ke, gomme e ka se be se sengwe eupša "Tate, Morwa le Moya wo Mokgethwa" mo Mothong O TEE a bonagatšwa nameng. GA SE "Modimo ka bathong ba bararo, boraro bjo bokgethwa," eupša MODIMO O TEE, MOTHO O TEE a na le diofisi [dithaetlele—Mofetoledi] tše tharo tše kgolo, o na le diofisi go bonagatša di thaetlele tše. E kwa gape mmoetšane. Yena Jesu yo e LEGO Morena le Kriste. Morena (Tate) le Kriste (Moya wo Mokgethwa) ke Jesu, go Yena (Jesu) ke BOBEDI bja tšona (Morena le Kriste).

Ge seo se sa re laetše nnete ya kutullo ya boHlogo bja Modimo, ga go seo se ka kgonago. Morena GA SE yo mongwe; Kriste GA SE yo mongwe. Jesu Yo ke Morena Jesu Kriste — MODIMO O TEE.

Filipi tšatši le lengwe a re go Jesu, "Morena, Re laetše Tatago gomme seo se tla re kgotsofatša." Jesu a re go yena, "Naa ga se ke be le lona lebaka ka moka gomme ga ešo wa Ntseba? Yeo a mponego o bone Tate, ke go reng ge o re, Re laetše Tate? Nna le Tate re ba Tee." Ke ile ka tsopola seo ga tee gomme mosadi yo mongwe a re, "Ga nnyane, Morena Branham, wena le mosadi wa gago le ba tee." Ka re, "E se go ka mokgwa woo."

A re, "Ke kgopela tshwarelo?"

Gomme ka re go yena, "O a mpona?"

A re, "Ee."

Ka re, "O bona mosadi waka."

A re, "Aowa."

Ka re, "Botee bjoo bo fapane, ka gore O rile, Ge o Mpona, o bona Tate."

Moporofeta a re go tla ba seetša nakong ya mantšibuana. Ka mo kopelong e ngwadilwe:

Go tla ba seetša ka nako ya mantšibuwana,
Tsela ya go ya Letagong ka nnete o tla e
hwetša,
Ka tsela ya meetse, ke Seetša lehono,
Bolokwa ka Leina le bohlokwa la Jesu.
Ba baswa le ba ba godilego, sokologang
dibeng tša lena,
Moya wo Mokgethwa ka therešo o tla tsena.
Seetša sa mantšibuwa se tliile,
Ke ntlha ya gore Modimo le Kriste ke ba
tee.”

E se go kgale ke be ke bolela le moruti wa Mojuta. A re go
nna, “Lena Bantle le ka se ripaganye Modimo ka diripa tše tharo
gomme la mo tliša go mojuta. Re tseba go feta seo.”

Ka re go yena, “Seo ke sona, moruti, Ga re ripe Modimo ka
diripa tše tharo. O dumela baporofeta, O a dumela?”

A re, “Go bjalo ke a dumela.”

“O dumela Isaiah 9:6?”

“Ee.”

“Naa moprofeta o be a bolela ka mang?”

“Mesia.”

Ka re, “Naa Mesia o tla ba le tswalano e bjang le Modimo?”

A re, “E tla ba Modimo.”

Ka re, “Ke nnete.” Amene.

O ka se bee Modimo go ba batho ba bararo goba diripa tše
thato. O ka se botše Mojuta gore go na le Tate, le Morwa le Moya
o Mokgethwa. O tla go botša ka bjako mo kgopolo yeo e tšwago
gona. Bajuta ba tseba moo thuta ye e thomilwego gona kua
Lekgotleng la Nisea. Ga go makatše ge ba re nyenyefatša ba re
re ba hetene.

Re bolela ka Modimo yeo a sa fetogego. Bajuta ba dumela seo
le bona. Eupša kereke e fetola Modimo yoo a sa fetogego go o
TEE go ya go ba BARARO. Eupša seetša se tla bowa ka nako ya

mantšibuwa. *E itiya ga kaakang ge nnete ye e tšile ka nako ya ge Bajuta ba boela Palastina.* Modimo le Kriste ke baTEE. Jesu YOO KE MORENA LE KRISTE.

Johane o bile le kutullo, gomme JESU e be e le Kutullo, mme A Itšweletša moo Mangwalong — "Ke NNA Yoo ke Bilego Gona, Yoo a Lego Gona, le Yoo a Tlago, Ramaatla ohle, Amene."

Ge e ba kutullo e go fitile, lebelela gomme o nyake Modimo go yona. Ke tsela e nnoši yeo o ka kgonago go e hwetša. Kutullo e swanelwa go tšwa go Modimo. Ga senka e tla ka motho, go tla ka tlhago, eupša e tlišwa ke Moya. O ka swara Mangwalo ka hlogo, le ge e le gore seo ke se se botse, se ka se dire selo. E swanelwa go ba kutullo ye e tšwago go Modimo. Go ngwadilwe Mangwalo gore ga go motho yeo a ka re go Jesu ke Kriste ge e se ka Moya wo Mokgethwa. O swanelwa ke go amogela Moya o Mokgethwa gomme ka morago ga fao, fela, Moya o ka go fa kutullo ya gore Jesu ke Kriste: Modimo, Motlotšwa wa Gagwe.

(E tšwa go *Ponagatšo Ya Mabaka A Šupago A Kereke*)

Voice Of God Recordings, South Africa Office

P.O. Box 178, Somerset West, 7130 Cape Province, Republic Of South Africa

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org